

اوپات ئىمرومىيە ئىلمىي

هفتەلىق سىياسى ، ادبى ، علمى غىزته در

جلد : ۳

سنه : ۲ ۱۸ جازى الاول ۱۳۳۶ جمعه ايرتنى ۲ مارت ۱۹۱۸ نومبرو ۲۵ — ۵۷

توركلر كىمىشۇ داتىر

(سىكىتلر) كى كىندىلرىنى تورك اولادى بىلدىكلرى .

ادعا ايدىيورزكه اسكى توركلر عرق ابيضه منسوب اولدقدن باشقه بو عرقه منسوب اقوامك انك قديميدىرلر ؛ بو حالده اسكى توركلر عرق ابيضك بابارى واسكى توركجه دخى بو عرقه منسوب اقوامك تكلم ايله دىكى لسانلر كى آناسى اولور .

بو ادعائىرى ، بالاده سويلهدىكمز اوزره ، تاريخ ، جغرافيا و لسان كى اوج مئىن اساسه استناد ايدىورك اثبات ايله مكدەيز .

مقاله مزوده شىمدى يه قدر بحث ايله مش اولدىقمز مواد يالكر تاريخه حائذ اولوب مواد مذكوره بروجە زير خلاصه اولونور :

مهد بشرىت اولان آساي وسطى يه (طاغلق محل) معناسه اولان (توران) (۱) نامى وتورانك سكتة اصله سته دخى (طاغلى) معناسه اولان (تورك) (۲) اسمى علم اولشدركه بونلر كى جنر مشتركى (طاغ ويوكسك ير) معناسه اولان (تور) كله سيدر .

تورانك شرقنده بحر محيط كبر ايله اصل چين ممالكنه قدر ممتد اولق اوزره شمالاً قديم تاواستان (۴) وجنوباً موغولستان موجود ايدى

(تركستان شرقى) دخى تسميه اولونان تورانك غربنده كائن اراضى يه (تركستان غربى) وبونك دخى غربنه (دشت قبيچاق) ناملى وىريلير ايدى .

[۱] بوكله (تور) جذريله (آن) ادات اسم مكاندن مركبدر .

[۲] بوكله (تور) جذريله (ك) ادات نسبتدن مركبدر .

سیم ، « رفتار دفتر » ، « دینه نرج » ، « دینه شرف » ، « دینه رحمت » ، « دینه اسرار » ،
 « دینه اکسیر » ، « دینه عزت » ، « دینه سعادت » ، « دینه ناز » دیمشدی
 هر حالده « عطاء الله افندی » لالهی عریچکدن زیاده سومش واک زیاده اونک نوعلرینی
 الله ایتمک چالیشمشدی .
 چونکه اویتون روحیه قائل ایدی که :

هر شکوفه اولور احسانه سزاا کرچه بکم
 لاله در روانی اقباله « شایان عطا »

زراعت مخصوصی

جواد رشدی

حیات صنعتکارانه

وه لاسکوئز

دیه غودوسیلا

۱۵۹۹ — ۱۶۶۰

— مابعد —

هر بویوک آدام کی وه لاسکوئزده زماننده اگلاشلمدی ، معاصرلری بو مستثنا دهایی حقیق بر
 آرتیست اوله رق طایمادیلر . او آنجق اسپانیا سراینگ بر رسائی ایدی . واولونجه یه قدر اوله قالدی ،
 دردنجی قلیب ومعیتی بو بویوک صنعتکارک تابلورینه لایق اولدقلری اهمیتی عطف ایتمه دیلر .
 وه لاسکوئزک سرایده کی مأموریتی کندیسنه عائد اولاق اوزره بک آاز بر زمان براقوردی ، بو
 جهته صنعتی تخصیص مجهود ایدمه مدی . هله حیانتک صوکلرینه طوغری امور خارجیه بی اداره ایتمک
 وظیفه سنی ده درعهده ایدنجه مسلکندن بر آاز دهها آیرلش اولدی .
 مع مافیه ولاسکوئز آتله سنی هیچ بر وقت اونوتمدی : اوراسی کندیبی ایچون حیات رسیه نک
 اضطرابات و بورغونقلرینی ، بویالری ، فورچهلری آره مننده اونو تدینی بر ملجا ایدی .
 شاید وه لاسکوئز حیانتک قرق سنه لک قیمتدار قسمی بوچوراق ساحه ده اسراف ایتمک مجبور اولماسه
 ایدی بوکون مدنی دنیا (مهناسلر) و (بابا اونجی اینوسان) تابلولری قیمتده دهها یکریمی ،
 اوتوز شاه اثره مالک بولنه جقدی . بو صورتله صنعتکار محیطنگ محدودیتندن ده قورتوله رق مجبوراً
 مهم اولدینی موضوعلر خارجنده دهها وسیع ساحه لرده دهاسنی انکشاف ایتدیرمکه امکان بوله جقدی !

نه چاره که طالع اوکا پولتيقه مأموری اولسني امر ايتمشدي ؛ اولدی . اما بوندن اسپانیول سیاستی بر شی قازاندایمی ؟ خایر ! فقط صنعتده غائب ایتدی ...

بر رسامك، ولوکه او وه لاسکوئه ز کبی بر قشکار داهی اولسون ، قاریقاتور ساحه سنه دوشمه دن بر (دردنجی فلیپ) ی بر (ماریا نادوتیش) ی او قدر قاراقته ریستیک نقطه لریله کوز اوکنه کتیرن آثار وجوده کتیرمی جدأ خارقه آلود بر کیفیتدر . بو تابلور تناسب الوانلریله ، آهنکارلیله ، خطرلنده کی قوت وحا کیتله اوپله نفیس شاه اثرلر در که خیال تماشا کر اونلری وجوده کتیرن ألك آله کی کیدن یاراتلش بیلدی کمز عضودن باشقه بر شی اولدیغنه ایناتق ایستر ، اونلرده روحنی الهام صنعتکارانه دن آلان اسرار انکیز برالك سیران حا کنی کورر کبی اولور ...

وه لاسکوئه زك ده های مستثناسی بزه اون یدنجی عصرک اسپانیاسنی اکیانجه قهرمانه قدر بویوک بر موققتیله محافظه ایتشدرد : بوکون تابلورلنده فیلیپلریله ، مه یناسلریله ، قرالك معیتلریله اسپانیا سرانی کوزمرك اوکنده جانلایلر ...

اسپانیا قرالك صنعتکاری ده ا باشقه موضوعلرده تولید آثاره تشویق ایلمه مسنه نه قدر تأسف ایدلسه ینه آر کلیرا کر دردنجی فلیپ رسامه بو خصوصده بر آزدها سهولت کوسترمش اولسه ایدی بوکون - اوچ عصر صوکره ! - یالکز اووقتک اسپانیاسنی دکل بلکه قوجه بر عصری کوزمرك اوکنده یاشایور بولا جقدق !

وه لاسکوئه زك مه تودئی نه او قدر مطمئن ونه ده پارلاقدر بالعکس بسیط و ساده در ؛ بونکه برابر بو اسلوب غیر قابل تقلید قالدی . بر جوق رساملر اونی مشق اتخاذا ایتدیلر ؛ فقط هیچ بری موققت کوستره مدی .

اولومیله برابر صنعتکارک نامیده اونوتولدی ؛ وه لاسکوئه زك حیات فانیه سی هرکسکی کبی در : کلدی ، کچدی ؛ فقط بوسبوتون امال ایدیه مدی : اون طوقوزنجی عصرده وه لاسکوئه زنی تکرار حیاته فقط بو سفر حیات ایدیه یه طوغمش کوریورز .

اوت ، عظمت دهاسی خفیف بر ظل نسیان اورتلش اولان وه لاسکه زی مشعله تدقیقه تنویر ایدهرک اوکا لایق اولدینی موقع تجلی ویرمک شرفی اون طوقوزنجی عصره نصیب اولشدر ؛ اون سکز همشیره سنک کندیسنه تودیع ایتدیکی میراث مدنی بر قاچ مثلی ده ا تزئیده موقق اولان اون طوقوزنجی عصره !

صوکره ، یککی کشف اولمش بر خزینه کبی وه لاسکوئه زك قبری آراشدیرلدی طاراشدیرلدی ؛ نهایت اورادن بوتون عظمتیله بر صنعتکار داسی چقدی ! ...

بوکونه کلنجه ، خایر ، بوکونه دکل ، - چونکه بوکون صنعت فامنه مدنی عالمده بر تظاهر یوق -

دونه ، اوت ، دونه کلنجه : آوروپاڭك مالامال خون واجساد اولدییی ، مدنی انسانلرك دیگر مخلوقات
سخیفه نظرأ حائز اولدقلری شخصیتدن برآز دها اوزاقلاشه رق همجنسلرینك قائل باشلرندن اهراملر
وجوده کتیردیکی بوقارانلق حرب زمانلرینه تقدم ایدن مسعود وانسانی کونلرده هر سنه کون کچمزدی که وه لاسکوئەزك
شخصی ، صنعتی ودهاسی حقنده اك ایجه تفصیلاته قدر کینن هر لساندن متعدد کتابلر نشر اولماسین!
هر کچن کون صنعتکارك شخصیت مستثناسی برآز دها آیدینلاتهرك اونى موقع ابحالنده تسعید ایدردی .
صنعت و مدنیت نامنه بك یقین اولسی تمی ایدیلن مسعود بر آتینك منقد ومدققلری وه لاسکوئەزك
کرسى دهاسی اطرافنده دها بیکارجه مدحیلر انشاد ایدم جکار ، وآثار محدودده سی انسال آتیه رساملرینه
الهام فسون و صنعت ایدم جکدر

۱۴ شباط ۳۳۴ محسن نعیم

ختمی تاریخ حرب و سیاست

[۲۱-۲۷ شباط ۱۹۱۸]

صوك هفته نك وقایعی هم برقی بر سرعتله توالی ایتکده ، همده بكم مهم بولونمقده در . کچن
نسخه مزده کی خلاصه حربیه ده ، اوقراینا ایله عقد ایدیلن مصالحه دن و روسیه ایله متارکه نك فسخندن ،
رومانیا ایله مذاکرات صلحیه به باشلانق شایعه لرندن بحث ایتشدك . فی الحقیقه اوقراینا ایله عقد
ایدیلن مصالحه نك قیمت واهیتی حقنده كرك آلمان ، كرك آوستریا و كرك عثمانلی مجالس ملیه سنده
بنانات مهمده بولونلدی .

❧ خارجیه ناظرین عثمانلی مجلس مبعوثانده : (بولشهویك) لرك ، (بردست-لیتووسق) مذاکراتی
تعطیل ایتکدن مقصدلری اتفاق مربع مملکتلرینه ده ، کندیلرینك غایت مفرط پردنسیلرینی سرایت
ایتدیرمك وحاصل اولاجق تذبذبیدن استفاده ایله مك اولدیغنی بیان ایتدی . اوندن صوکره (اوقراینا) ایله
عقد ایدیلن مصالحه نك هر ایکی طرف ایچون بویوك استفاده لری موجب اولاجغنی ، اوقرایناده بویوك
مقدارده مدخر حیوانات ، ده میر و کومورك صاتون آله جغنی ، بو صورتله مشهور ائتلاف آبلوقه سی